

四庫全書

集部

欽定四庫全書

集部
康齋集卷五

詳校官編修_臣李堯棟

中書_臣劉源溥覆勘

總校官知縣_臣繆琪

校對官學正_臣蔡必昌

謄錄監生_臣桑英

欽定四庫全書

康齋集卷五

明 吳與弼 撰

詩

新正重沐縣侯賁臨茅舍敬裁二十八字充一笑

耳戊寅

誤辱明時降玉音賢勞吾宰歲寒心前溪遇雨春流駛
試問恩波深幾深

金史卷之二十一
五
贈太守林侯

匪才焉敢廁儒流
光寵頻煩誤我侯
從昔斗筭何足筭
願均慈造遍林丘

迎恩橋詩

并序

天順丁丑十有二月甲午
柳陽曹侯奉詔枉聘
與弼辱經青石橋門生呂邦翰
屋以表焉與弼
名曰迎恩之橋而詠歌以詩云

青石流傳亦有年
迎恩於此慶堯天
山呼北闕晴雲表

玉燭祥光正煜然

皇華亭

并序

天使柳陽曹侯辱臨神嶺閭閻老稚莫不交慶
門生金谿車用式表亭其上僕名曰皇華之亭
嶺曰皇華之嶺恭裁小詩以紀盛事云

皇華勝嶺舊名神使節遙臨雨露新草木從今皆可敬
一亭晴映萬山春

天使亭詩

并序

天使柳陽曹侯辱臨聶家尖門生金谿車用正
表亭其上僕名曰天使之亭尖曰天使之峯恭
裁小詩以紀盛事云

伊昔竒尖號聶家名峯今喜屬皇華誰人領得峯頭趣
舜日霓旌拂曉霞

集慶亭

并序

天使柳陽曹侯大參山東譚侯僉憲同安程侯
旌節暫駐於大園之上門生陳庸李章亦侍語

次庸作亭以表其遇僕名曰集慶之亭而詩以詠歌焉

拜罷天書使節歸徽音暫此駐旌麾問閭荷慶何多也
共仰文光煥璧奎

綵雲亭

并序

天使柳陽曹侯辱臨馬鞍山門生陳子球表亭
其上僕名曰綵雲之亭山曰綵雲之山恭裁小
詩以紀盛事云

旌旆騰輝鼓吹雄
青山盡屬綵雲紅
羣黎奔走矜奇遇
滿路謳歌日正中

奉陪天使重遊皇華亭

前日風雲擁護多
茲晨氣色倍清和
遙空一矚春無涘
共聽重歌勝嶺歌

天使臨胡氏族譜亭喜添勝蹟詩以紀焉

華亭雄構野塘濱
天秩昭昭篤大倫
品彙一經時雨化
山川出色境增新

天使游山歸旂旆暫停戴祿氏

喧天笳鼓踏新晴踏遍春山幾處亭旂節暫停歸興好
梅花溪上問諸生

天使歸五峯綵旗聯句

綸綍夙傳丹闕表旌麾遙賁翠微中四民瞻仰乾坤大
萬竈歌謠雨露濃競託皇華人似玉頓令白屋氣如虹
祖筵簫鼓騰三市驛道風雲壯五峯

徐廖二友承天使命來

戊寅

車輿燈火遞相譁互認前村處士家款款細傳天使語
春風早約上京華

題饒氏祖德亭

并序

饒安用中者予故人也僉憲陝西有聲諸孫循
者予子壻也嘉乃祖之才重循能仁其先故樂
為書之

男兒能不負儒冠贏得功名萬古看幾度懷人吟不寐
梅梢殘月五更寒

棠溪道中

細雨新泥江路長
忙衝暝色急投裝
筍輿非忍長鬚困
爭奈先塋不敢忘

南原道中

茅屋石橋西行行
日未低地名時問
訊春興入新題

呂中良引拜羅源岡李氏夫人墓

馬鬣巍巍久已平
狀元空憶舊時名
若無故老慇懃意
徒有慈孫繾綣情

金匱要略卷五
葛藤科先隴

蓬科不見當時葛馬鬣猶傳舊日名
星火程期京國夢
春風花柳故鄉情

經方昇氏

難兄客邸共鄉心
令弟高居辱愛深
問訊若逢南鴈使
春風早寄白頭吟

贈石井黃徐二生

愛爾黃徐二秀才
重逢故意倍悠哉
他日松楸勞夢寐

頻期魚鴈到金臺

天使曹侯枉顧金石臺

一上名臺百慮消
況承使節在青霄
黃徐預擬忘憂物
程李同歌擊壤謠

羅原岡詩

并序

上下羅原岡先塋所記蕪沒已久得復舊物者
周氏孔文呂氏本誠中良邦翰數公之力也欣
幸之至情見乎辭

冷派衰宗各渺茫
荒山寒澈久淒涼
東風為我回春色
衣被羅原幾處岡

贈廖良齋崇傑行人歸樂安

馬嘶芳草正清明
高下風花遠近亭
他日金臺談舊雨
青山總是故鄉情

贈鰲溪茂宰林侯

秋月窓前天似水
春花縣裏日如年
民謠若達觀風使
處處流傳茂宰賢

寄張壁

雙塚遙依鳳水傍
朝烟暮靄久荒涼
維持曾荷尊公愛
重喜如今得令郎

次白旰李大章贈行韻

髣髴當年暫接顏
忽勤縞紵辱柴闕
何曾實行出人上
空惹虛名在世間
樗散豈宜私雨露
鴛鴦只合老雲山
誤蒙明詔乘春去
嫩葉濃花滿目斑

同程庸諸生游集慶亭

皇華嶺畔又奇峰峯上新亭結構雄亭子主人良得意
來游多侶共春風

承判簿戴侯掌教陳君下顧

聯轡儒冠顧匪才春風揖別話金臺殘書數卷青山曲
滿賴餘光燭草萊

承天使遣胥余二生枉顧茅舍

暫坐清溪暢病身又瞻聯轡兩儒紳行裝自促無勞迂
定在旬餘躡後塵

奉別鄉鄰親友

流傳遐邇盡虛聲
君子從來耻過情
惜別誤蒙鄉里敬
匪才何以答昇平

贈李晏諸生

我承明詔遠觀光
付爾琴書與雪窓
好篤男兒燈火志
莫隨浮俗一般忙

外孫瑞康索詩

明日朝天去
今宵索我詩
莫添離別感
喜有盍簪期

金臺往復藁

西津舟中口占授同宿諸生

停舟西日四三生共宿津頭風雨情須信萬緣皆有命
肯將行止問君平

發張家石

黃昏西北浮雲歛清曉東南霽月明紅日滿窓春睡穩
拍天新漲棹歌聲

貴溪道中

懶慢宜閒不得閒
衰齡却事道途間
曉程匆遽嚴牽路
晝夢依稀在故山

奉寄臨川傅貳令

令聞宜民夙所欽
琅玕欲報愧微吟
更煩細問南來鴈
日夜天涯念萬金

周文婁諒徐緹棹舟遠迂

暫親鉛槧向清流
忽遇波心蕩漾舟
老去久於浮世淡
重逢端似夢相求

草萍驛

暫息草萍驛心安即我廬萬山新雨霽半枕黑甜餘

白石鋪道中

早稻青青小麥黃杜鵑聲裏野花香好山遞送程程秀
咫尺雲帆是浙江

寄龍游洪茂宰

沙頭傾蓋重青年別後重畝單父賢好看歲寒冰雪表
管教松栢轉巍然

贈梁布政

尊公諱潛與先
君同官翰林

曾陪崇禮

南京
衛名

少年游一隔江湖五十秋碌碌那堪今

日會空憐歲月白人頭

寄嚴州劉太守

我愛霜松託趣深慙慙特表歲寒心

贈霜松
二大字

當年縞紵

休相訝

還所
贖

遙寄新詩詠斷金

贈伍御史

與君共飲西江水却向錢塘話舊鄉拙筆

正直
大字

漫持

雖偶爾男兒從古貴流芳

王憲副順德堂

錢塘江上接珠璣顧我何堪順德題思遍古人無健筆
斷雲殘照盡橋西

楊太守雪艇

同郡楊彥魁以名御史知姑蘇之明年予往京
過貴邦辱扶疾兩顧驛館益誤知我之過者也
一艇寒凝雪滿窓棹歌聲裡鐵為腸把君詩卷摩挲久

人在冰壺月似霜

次楊太守見贈韻

承家曾讀魯春秋多病因循漫白頭
野性只應木石侶道心深愧聖賢儔
萬緣久分同春夢束帛何期賁晚丘
畫舫濫為偕計客偶陪高興一登樓

贈畢王二進士

丹桂亭亭兩妙齡相逢江上話詩情
冰霜自是男兒志穩步青雲萬里程

姑蘇驛館即事

驛官置
酒鳴琴

尊酒為歡偶共斟
江清地迥夜沈沈
感君流水高山意
暢我光風霽月心

桐鄉舟中

兩日勞勞晝夢長
斜風細雨度桐鄉
卧薪自是男兒志
何事寥寥數越王

贈鄭御史

江上相逢話舊知

與故人徐希
仁同學兼姻

姻門蘭雪

予所贈徐
二大字

共

心期行春大展經綸手碌碌何煩索小詩

陸主事紫微庵先隴所在

一庵遙託紫微坡馬鬣巍巍事若何惆悵孝思維則處
始終名教為君歌

皇華館卽事

沈沈臺館綠陰濃一榻高眠詠午風時止時行皆樂地
夢魂依舊白雲中

陸大參宅

成均高誼古人儔江右仁風播更優今日德門恭一拜
白雲埋玉幾春秋

許墅鋪舟中

一席中流快好風平疇時喜看吳農推篷細話園林趣
總在乾坤生意中

白鶴溪鋪舟中

我愛佳名白鶴溪客情舒處又題詩分明畫得無懷世
楊柳家家賣酒旗

次羅憲副見贈韻

蹉跎夙志久隨流到處逢人愧白頭
濫奉天書趨魏闕猥蒙春酒醉常州
聖門道遠良難進賢轍風高不易儔
安得魯戈回白日重將舊業共君修

邗城

丹陽古渡接瓜洲萬頃黃雲麥正秋
一榻午風清夢覺又題新句過揚州

高郵湖

圖經旋展認邗州童稚傳聞老始游一曲倚樓懷古調
烟空漠漠水悠悠

渡黃河次唐人昨夜微霜初渡河韻

平生蹤蹟半樵歌歲晚昏眸始識河名姓誤叨天上薦
琴書端似夢中過洲連碧水浮埃少

自瓜州來水穢濁之甚至清河口清

矣
席滿薰風逸興多却憶青山同學侶可勝名教兩蹉跎

憶家

獨吟沂泗向黃昏
漠漠雲天遠近村
前月小陂今夜思
細分詩帖與諸孫

杜主事榮壽堂

乃尊受
封贈

堂上嚴親八十強
天恩厚處錦袍香
多才令子方騰踏
百福如川日正長

徐州

前月茲晨別小陂
通宵風雨泊西陲
看山問水何鄉客
帆指彭城薄暮時

贈宋知州

蘄水人名
誠字彥實

沙頭載酒話蘄州勝水名亭悵舊游
聞道彭城多善政盤根正屬有為秋

即事

一灣未盡一灣連處處垂楊蔭道邊
高纜勢寬夫力緩行行喜帶夕風牽

王錦衣望雲思親詩卷

使節馳驅南復南高堂華髮夢旣旣
一杯春酒歸心切

指日雲邊落錦帆

曹天使重慶堂

餘慶重重見老萊斑衣華髮映春巒青山門巷時時掃
待領天邊紫誥回

平野望鄒魯次少陵韻

問士人此去
魯城九十里

古意千秋上孤蹤九夏初高山方仰魯洪道已過徐慈
教三遷外雄韜百戰餘堪興頻悵望風日共躊躇

望魯山

聞水仍相阻河堧又獨行茲山含萬態於我故多情

夢家

百體衰慵兩眼花雲山久已隔紛華宵來魯水橋邊榻
一片離魂只在家

濟寧道中

時阻淺
登陸

一逢勝地憶平江

夾河楊柳陰陰
皆平江伯遺愛

緣道薰風滿綠楊豈

獨陰涼人共惜助予詩興更無疆

濟寧南城驛

庭前多種
椿與白楊

庭樹陰陰轉嫩涼
琴書喜博濟寧航
短歌不盡悠悠興
泰岳峯前送夕陽

夏至

晝雨聊城逢夏至
暮雲江右憶儂家
東林新籜知成蔭
南畝香粳想偃花

錄詩後作

無事偏宜白晝長
薰風多送午窓涼
思家恐有南飛鴈
預寫新詩待寄將

金少日月ノ一
王錦衣贈梅聖俞集

早自歐編慕聖俞
晚從汶水得明珠
慙慙欲表將軍愛
又向思親錦卷書

端午前一日作

端午明朝是鄉園
此際思南歸人未上北去日隨時道
遠諸孫弱家貧老母慈榮枯自有分
無使淚空垂

寫詩後又題

新詩寫就即封題
只候河邊鴈字飛
消息定於何日達

夢魂夜夜大江西

臨清端午王錦衣饋糴

且食將軍糴休論故國情離家從兩月挈榼任諸生碧
艾仍懸戶香蒲可泛觥稚孫嬉作隊誰念日邊行

盜名

實若虛兮有若無如斯方表聖門徒盜名似我真堪鄙
愧爾昂藏一丈夫

武城對月

一鉤清照故園心獨倚薰風又一吟惆悵麥秋今夜宿
諸生共聽玉山琴

泊武城

長年捩柁棹謳停淡月疎星泊武城若使九原人可作
絃歌聲裡拜先生

陪天使及王錦衣登陸閒眺取徑徐步坐滕家鋪
綠陰候舟小兒陪二使習射

見說行逢對摺灣相招取徑縱遐觀河山指罷仍留射

好似雩壇春服還

登德州梁家莊驛樓

一賞薰風瞰水樓
樓頭清興暫相留
明朝知隔幾程驛
綠樹人家記德州

題德州梁家莊驛館粉壁四牡聘賢二圖

左是皇華右聘賢
苦心於此豈徒然
中原萬里能無孕
不在商巖即渭邊

書姜米巷壁

雲山萬里去吾廬萍梗那知此寓居晝夢每便風帳靜
夜懷幾共月窓虛樂天知命憂何在安土敦仁愛有餘
他日多情時北望慙慙却憶壁間書

客夜即事

庭戶沈沈夜未央碧天如水月如霜一星為幸何多也
獨許寒芒伴耿光

得小陂消息

辭家三見月團圓幾望南雲路渺漫忽報遙臨桑梓客

曉窓倒屣問平安

移寓宗人建一

素佩行雲流水詞一枝何處不堪依
慙慙況有吾宗子
小閣虛窓懶正宜

題南薰閣

玲瓏傑閣面南城滿座薰風解我情
玉軫朱絲秋月夕
幾回清興繞虞庭

題南薰坊寓居

一柏亭亭傑閣西
婆婆厚蓋未經題
他日哦吟南斗外
時時夢想與雲齊

贈王醫士

杏林春色滿窓紗
好是當年董奉家
我借餘光輝客邸
神功特向衆人誇

奉呈忠國公

翠柏蒼松幾歲寒
菊窓竹牖共平安
百年勲業囊中滿
萬古聲名鼎上看

奉別文安伯

彤墀執手話綢繆雙硯慇懃誼更優明發青山白雲裏
龍樓鳳閣夢神州

奉別李尚書學士

神交尺牘比南金況復雄文重盍簪錦繡欲酬何所禱
和羹慰滿四民心

奉別彭呂二學士

幾陪鴛鴦肆愚言玉趾頻煩坐客氍歸夢已隨秋興遠

寸心猶在五雲邊

奉別主客諸公

聖賢事業細曾論
別語諄諄問所存
尚友軒中銘座處
紛紛慎勿惑多門

奉別孫黃二姻舊

客裏情親孫與黃
夜來歸夢繞秋江
西風黃菊青山曲
細把平安報舊鄉

孫氏叢桂堂

莫說當年實十郎君家叢桂互流芳靈臺更有天然妙
不待秋風也自香

孫氏更造八里橋

改名
通濟

八里新更通濟名乃知仁者用心宏誰人更續生生德
好共千秋萬載馨

十友餞別城東五里

曹天使孫郎中泰員外倪員外張主事陳主事
孫主事黃員外劉都事王進士

疎頑無以答昇平
況辱羣英遠餞情
明日青山回首處
五雲遙憶讀書聲

重宿通州驛館

五月蓬窓觸熱多
清涼臺館此調和
故人重進杯中物
獨酌燈花一放歌

細數燈花事短歌
南歸魂夢白雲窩
獨憐葵藿微私切
惆悵何心製芰荷

別二孫生

客裏過從喜二生雲和夜夜玉壺冰長河寄得臨分語
莫把靈臺泥俗情

中秋新橋驛次去年詩韻

何處中秋對月圓新橋旅泊近人烟西江皓彩阻千里
北闕清光隔九天畫舫獨吟河水曲銀燈高照驛樓前
時逢鄉友談萍梗華髮添明又一年

登陸偶成

曠望晴蕪外聊為曹濮吟靜觀浮世事端合付無心

奉謝都水車主事

爭奈舟人貪利涉寧知見險却當需指麾非仗仁人力
顛沛洪濤尾盡濡

崇武即事

一舸秋風畫枕清樓臺時見博平城思家款款南歸夢
戀闕依依北望情獨倚滄浪懷古調細論輿地閱圖經
明朝放犢晴嵐塢遍憶琴書水上萍

古城舟中

朔風微雨艣和鳴已度鍾吾問古城北路漸遙南路近
伊誰一寫箇中情

贈金通判

名鎬字孟周尊公名砥國子典籍與先君官舍
隔壁而甚相得於不肖過蒙與進孟周在官亦
有聲予為大書冰壺二字以貽之

少小為隣今老夫淮陰重喜話冰壺男兒肯負平生志
正好明時展壯圖

經蚌殼湖

前月茲晨濫寵嘉恭承天語侍文華
片帆容易幾千里
獨詠西風野水涯

高郵湖

長空漠漠水雲平
北極風高一舸輕
菊有黃花歸夢切
青山日計撫州程

孟城驛

高柳收帆處
平蕪縱目餘
都將今古興
盡向驛樓書

即事

船頭船尾富歡聲高掛雲帆四體平

免牽纜之勞

時見南陸

山隱約明朝定擬到金陵

發儀真

埧上停篙立柁樓江邊解纜別真州
滿懷秋思無心寫獨看岷峨萬古流

舟中見紅樹

船頭時作望鄉吟難寫浮生去住心
忽忽不知為客久

誰家紅樹報秋深

白螺磯

柔艣和鳴人力齊
急流競渡肯遲遲
試將衆理依斯看
萬事心同不足為

牽路宿上元地

江北郵程晝夜貪
寒蘆已喜屬江南
青山門巷無勞夢
消得東風幾日帆

題淡然卷子

東風紅紫競芳菲
萬葉千葩恐後時
誰道太羹玄酒味
却能醫得兆民癘

發石頭城

舊游歷遍問歸程
晴色東風一舸輕
楊柳堤邊吟望處
青山猶是石頭城

板石磯

紅葉黃花歸興濃
青山夜夜夢巴峯
磯頭記得蕃昌路
西日一帆蘆荻風

次荻港

漠漠寒蘆一港通
衣冠迎候禮從容
已陪徐步鳳凰嶺
更與遙談獅子峯

晴蕪眺罷事霜毫
點染秋雲散海濤
餘興歸來眠未得
蘆花寒月滿江皋

十里青山

與蘆山
相對

羣岡聯絡接銅陵
何代流傳十里名
隔岸翠屏相映好
片帆歸詠正秋清

銅陵舟中

歸心日日數郵程
楚水吳山次第迎
安樂有窩時有限
只憐無計荅昇平

梅根次辛丑歲詩韻

輕風疎雨送微寒
淡月疎雲泝急湍
年少舊題今白髮
浮生猶幸一身安

重修余忠宣公墓堂詩

并序

劉清廉丈之參政四川也經同安付白金於懷

寧丞胡詮助修余忠宣公之墓并敘禮之堂詮
以訟之麗乎罪者役焉民不勞而事集云詩曰
薇垣參輔隆風教花縣郎官尚典刑顧我疎頑何似者
敢將名姓汚丹青

胡貳令索詩題尊府方伯公一曲軒

畫省高車久已懸花封才子正青年鑑湖一曲幽棲處
明月清風水拍天

同安即事

幾日扁舟繫淺沙
獨吟夜夜夢燈花
青山賸有平安侶
頻說天邊客到家

鄱陽舟中

詩卷書來興轉佳
好風應念客天涯
明朝再假一帆力
指日琴書可達家

進賢道中

詩思鄉心共落霞
連村紅樹勝春花
少年髣髴曾遊處
獨立蒼茫兩鬢華

蕉林

夢回夜半候鷄聲時聽舟人問水程
明發揚舡過百里
好山却看故鄉青

謝家埠

連檣金鼓氣飛揚共喜郵程近武陽
詩興無端吟不徹
霜林處處奠紅芳

奉陪天使金陵王侯游山十首

皇華亭

皇華曾喜見名亭使節重臨勝倍增愧乏長才歌盛美
漫將下里頌昇平

集慶亭

集慶當年衆所誇四民重喜拜皇華一壺春酒供多興
歸從如雲擁鼓笳

天使亭

簫鼓喧騰日正融
烝黎滿路慶時雍
旌麾隱映紅雲表
天使重臨天使峰

綵雲亭

綵雲亭子碧雲岑
舜日重霑雨露深
紅樹溪橋春似錦
高吟細寫北來心

駐節亭

遙傳天語下青霄
使節榮瞻駐此橋
燕喜有筵供勝會
舊家文物話唐朝

塔山

窮鄉誰道塔山名
惟是樵歌牧笛聲
豈意遠承天上使

翩然下此駐霓旌

石溪先隴

石溪橋畔蔚松楸
疊鼓清笳導勝游
好是丹青難狀處
百年心事共春秋

石原

清明風日小春天
旌旆翩翩會石原
借問皇華輝映處
昇平文采萬人傳

蘿溪重慶亭


雪窓螢案飽儲書兩沐旌旗奉使車請賦新亭留勝蹟
畫簷高映綠蘿居

赤岡

赤岡斜抱小陂南鄉邑流傳富美談紅葉清霜風日媚
送迎天使此停驂

送天使王侯回朝綵旗聯句

九重雨露堯天大萬國衣冠舜日明草木光華南服重
風雲慶會北歸榮



康齋集卷五

欽定四庫全書

集部
康齋集卷六

詳校官編修_臣李光棟

中書_臣劉源溥覆勘

總校官知縣_臣繆琪

校對官學正_臣蔡必昌

謄錄監生_臣桑英

欽定四庫全書

康齋集卷六

明 吳與弼 撰

詩

元生陪往寶塘小憩路口鋪

己卯

晴山聯轡日遲遲

立春五日

小憩郵亭啜茗時
少長森嚴環

侍好舊鄉細誦帝鄉詩

宿下城丘孔曼

先朝心事共春秋此日投裝話白頭莫把光陰牽俗態
勉教孫子繼前修

賜金墾田

濫向文華辱賜金側身北望五雲深都將至渥歸南畝
爪蹏綿綿萬古心

親農歸途中次舊放水詩韻

迎恩橋畔獨經過課僕西疇事早禾却憶去年今夜興
淮陰去棹好風多

坐沼上有懷京師冠蓋

倦拋鉛槧暫揮鋤
浴罷觀魚聽鳥呼
乘興不知吟坐久
無端秋思繞皇都

憶去年今日

八月
初四

去年今日侍文華
天語諄諄過寵嘉
二度丁寧歸去後
好書多做貢皇家

憶去年今日

八月
初七

去年今日拜彤墀
天語溫淳賜勅歸
中使傳宣天使道

好生看顧荷皇威

憶城東寄餞行十友

聯鑣接軫憶城東
綺席珍盤別醑濃
南北雲泥懸隔久
高情常在夢魂中

奉寄夏官羣彥

司馬羣英嘉惠深
聯名錦軸重南金
當時愧失樞趨禮
別後難勝悵望心

寄王經歷劉都事

外氏零丁一轉蓬欲從何處問孤蹤
盍簪得遂平生願
總屬王劉雨露功

奉題懷寧伯雙驥圖

汗血俱曾成大功
丹青凜凜著英風
人間自有男兒事
傑出方名世上雄

競功雙驥大功成
造父王良總擅名
設使當年無伯樂
何由千古著雄聲

奉寄忠國公令郎君

僑居幾欲拜蘭階多病因循愧夙懷翠竹碧梧霄漢迥
五雲深處望三台

奉寄廣寧侯二郎君

曾接親庭花萼輝亭亭玉樹映金芝聖明文教超千古
萬軸牙籤好及時

寄太常高博士

傑作鋪張天地心大音寥闊國之琛清風明月停雲處
不信人間有古今

寄太學鄭助教

自古文章貴作家夫君當代富才華案頭夜夜增光艷
留與兒孫仔細誇

寄湯教諭

麗句流傳衆所欽稱揚太過實難任雖云甚矣吾衰也
餘齒猶宜座右箴

奉寄南康郡侯

一接沙頭金玉相時從舟子話龔黃幾時一鼓滄浪棹

細和匡山白鹿章

沼上芙蓉花開

去年花盛客天涯
今歲花開人在家
萬事只應隨分好
不須憔悴對年華

作遠書罷卧自得亭

羣絨裁罷一身輕
又向高秋卧此亭
遙想故人天上夢
可知衰病日伶俜

拜表歸途中作

記得重陽拜表歸乾坤清氣映晴暉紅黃山果驚新候
又喜題詩野水湄

青雲亭

欲得靈臺拔俗氛特將亭子倚青雲朝朝剌汲寒泉潤
細點明時輔世文

遊塔山

去歲茲晨發望江風帆夜泊小姑傍來遊此地懷萍梗
紅樹新晴候欲霜

遊天使峯

天使峯頭境絕奇，重游恰近小春時。
清明風景堯天媚，安得情懷不賦詩。

遊綵雲山

選勝歸時興未闌，微吟更坐綵雲山。
出塵亭子休孤負，須把遺經日此攤。

寄郡庠陳廣文

郡庠司訓陳先生，兩辱枉顧山中有懷成詩敬

以奉寄笑覽幸幸

濫竊時名負愧多勞君兩辱碧山阿墨池泮水宵來夢
紅樹西風寄短歌

寄邑庠陳廣文

不肖將赴金臺時承判簿戴侯邑庠廣文陳君
枉顧衡門不肖贈詩有滿賴餘光燭草萊之句
別後辱陳君兩垂青眼久稽奉荅有懷成詩敬
以呈上笑覽幸幸

薦辱餘光燭草萊瓊瑤久矣負高懷孤吟幾對黃洲月
片水清風不易裁

至日

歲華又值一陽生豫汎庭堂賀太平萬壑金雞天欲曙
四簷霜月雨初晴學隨年長嗟衰邁道與時亨荷聖明
間傍溪梅尋嫩蕊新詩興緒繞虞庭

遊三峯尖

晴明又喜躡雲烟舊跡來游興浩然心事滿懷題不盡

長吟回首五雲邊

賀吳營元氏駐節亭成

積李崇桃燭令辰
雙溪雄峙一亭新
百年勝事光先躅
千載清芬激後人

題新齋壁

莫懷端合惜年華
莫枉閒工事
筭沙收斂寸心歸寂寞
芸編堆裡是生涯

同邱孔曼游勝覽亭

積雨初收遠岫明
盈眸生意黍苗青
偶乘佳興良朋共
細詠新詩向此亭

遊霓旌亭

一歷青雲眼倍明
羣峰聯絡自天成
遲回磐石忘歸去
誰共斜暉俯仰情

憶前年今日

五月十六

前年今日拜宸旒
天語親承錫命優
幾度忸怩疎薄質
洪鈞浩蕩若為酬

憶前年今日

五月十七

前年今日拜文華疎薄慙叨過寵嘉謝病曾無一字補
可勝衰眼日添花

憶前年今日

五月二十二

前年今日說中庸內閣羣英眷注濃分惠御桃嘗主客
歸鞭姜米步從容

七月二十六日作

流光一飛電夙志良堪羞末契何所託塵編日遮眸

窻得竹林幽亭有荷池勝淺薄諒何為於焉託餘命

車泰使歸喜而作

山暝風高雨打衣敲門知自玉墀歸椿萱綵服千重慶
臺閣雲牋萬丈輝

敬梅軒為楊侍講題

雲塢瓊枝處士栽玉堂詩卷映三台肅焉敬止哦吟處
難寫孤芳萬古懷

憶前年今日

八月十九

前年今日急郵程時向街頭慨武城此際獨吟仍獨卧
滿懷秋思向誰傾

憶前年今日

九月
初七

前年今日達龍灣人在滄江杳靄間夜傍石頭城繫纜
舊游觸目是鄉關

憶去年今日

九月
初九

去年今日五更興旌旆翩翩度野亭精白一心懸北極
肅恭拜表進虞庭

覽戊寅日錄作

竹窻時止亦時行誰共清風明月情忽憶前年今日興
登高人在石頭城

沼上亭玩芙蓉花

今歲花開幸粗康雖貧却乃士之常秋亭玩罷歸來好
竹影扶疎旭日涼

憶前年今日

戊寅十月十二日行李自金臺抵家
天使及郡侯臨川崇仁二縣官郡縣

師生皆
會於此

前年今日荷皇恩冠蓋盈庭客滿門
霜鬢薦驚新歲月
涓埃未答志空存

遊山詩

小春風景日清妍
游衍鄉園又一年
身幸平康心寡繫
杖藜隨處詠堯天

後遊山詩

昨日登臨興未窮
重游喜得數生同
峯頭徙倚忘歸處
詩在雲烟杳靄中

寄萬叔璨

赤磧松楸跡久荒薦勞青眼意何長瓊瑤未報身衰邁

幾向南雲夢北堂

北堂蓋指叔璨母先生妻之姑也

至日講堂朝賀

金雞催曙鼓聲雄濟濟班行院肅雍迎福共瞻剛長日
堯天歡舞萬方同

即事

偶傍溪頭詠落暉烟村清眺意遲遲低回細憶前年興

逐一閒歌驛道詩

書鄭伉卷子畢偶成

殘經講罷慨虞唐步月歸來興未央詩卷寫闌吟更好
又揮餘墨兩三行

德政歌

并序

桐廬呂侯廷和宰洪之進賢期年矣甚得其民
有儒一生相厥耆老顧予請頌歸率其子弟詠
歌舞蹈於和風甘雨之中以服侯清化美事也

重以吾邑令君李侯之命遂走筆以復焉陳子
憲朱文貫吳志廣陳子寧者四老也傳海者諸

生也歌曰

我憶絃歌武城宰流風餘韻今安在懷古卓哉呂侯英妙

年碧梧翠竹何娟娟念今却金海隅光使節寒露玉壺浸

霜月形容清節牛刀小試鳴南州長天雕鶚橫高秋丹誠炯

炯慈仁父反風滅火并伏虎德政琴堂有教肅簪裾犴獄

雖設期空虛省刑南隣北里童與冠含哺鼓腹相泮渙民安

春郊桑柘漲叢叢秋原禾黍迷西東

物阜

隣封野人拜佳

政樂與人共涵泳

結上

桃李陰陰清晝長牙籤玉軸森

琳琅

書籍

列聖羣賢屹相向著龜指南如視掌

聖賢示人之意無弗

在

河海何曾擇細流泰山固不辭土壤

不自滿假

百尺竿頭

事若何濯纓一曲滄浪歌

務造其極朱子云百尺竿頭更進一步自求多福

贈四老歸進賢

花縣仁風日念茲黃眉衝雪到茅茨予攸好德何能爾
信是人人共此彝

重庵歌為陳子憲題

借問仁者何樂山巍峩屹立天地間以木巽火是曰鼎
君子正位以凝命浮生歲月疾於飛庵中心事其奚為
去斯二者將安歸蕭蕭華髮映黃眉不遠百里求新詩
詠歌付與孫與兒奕葉仰止庵之楣

除夜感懷

曾賦山房一味清

永樂壬辰除夜詩云誰家除夜無杯酒我獨山房一味清沉吟舊

夢轉多情千山萬水迷歸路羞照秋霜鬢數莖

同胡冕陳鳳宿路口鋪

辛巳

鄉情詩思共悠悠
燭盡宵闌立未休
記得丁寧簷際語
好來芸館話春秋

晚坐自得亭

春田課僕暫親農
亭子閒來坐晚風
幸得微軀能勿藥
崇桃又見一年紅

題程僉憲驄馬行春詩卷

行行無用避桓驄
霜雪何妨雨露功
緣道生靈迎望處

鐵冠遙在萬花叢

題全歸詩卷

為應公
憲丈題

遍歷儒冠四十年
榮膺上壽際堯天
跬步敢忘曾氏教
臨深履薄日乾乾

送原憲使考蹟赴天官

清笳急管擁崇臺
萬里風雲接泰階
花柳漫村春似海
伊誰一訪少陵才

重宿呂坊龍歸寺

曾為松楸此寓居二旬風月體舒舒
天上歸來重宿處青燈細看舊時書

宿楊溪

疾風飛雨宿楊溪虛室孤吟憶舊時
不是本原深且厚雲仍何幸至於斯

楊溪晚眺

一水逶迤抱竹居羣峰稠疊映天衢
遲回獨散平橋步二百年前是我廬

拜山泉先生墓

長從家集慨窮經
述作尤深感至情
巴岡遺隴低回處
飽挹山泉一味清

立秋

十七歲立秋詩丈夫壯志
須高遠燈火辛勤貴自強

茅屋秋風已滿林
老懷却憶少年吟
丈夫壯志今何似
空感平生燈火心

寄傅裘

洗墨池邊佳問來
月窗重感故人懷
幾時池上翬飛好

佇見新碑向竹開

裴立墨池記
碑覆以亭焉

送傅裘北歸

扶疾秋山百里來
桑榆細寫別離懷
式微歌罷情如海

共喜新碑吉日開

游羅原岡諸族姪咸在

上下羅原岡上路
西風斜日共躋攀
新詩付與吾兒道

奕葉當思繼述難

重宿經舍寺

重宿招提覓舊游百年心事在松楸江村送客歸來好
明月清風詠素秋

自楊溪過葛藤科

港下歸鞭問葛藤名科山水總含情朋遊迎送秋江晚
古渡寒流月影清

曉枕偶成

戊寅此日吟淮水辛巳今朝病故園時序暗隨生紀換
寸心依舊五雲邊

枕上偶成

萬事隨緣不用憂
好將行止範前脩
當茲歲晚尤宜惜
獨對黃花咏未休

戊寅此日

九月
初五

戊寅此日度真州壩上閒
書幾字留薄暮喜投揚子宿
青山近接石城秋

西遊藁

辭家口占授諸生

我去尋師適楚邦歸期應在日初長殘書破硯須深護
跬步分陰好自強

先生擬拜舊師
楊弘濟之墓

狹原道中

小春風雨路初乾又向名原話考槃却憶十年前勝事
門前驥子蹤游觀

宿北澤

雲塢濛濛濕不開長途行李後先催前山寓宿詢名姓
曾向龍潭問學來

北澤道中

濛濛宿雨又開晴
僮御奔忙四體輕
紅樹青山溪曲屈
勝遊隨處是詩情

湓源道中

度均躡嶺一徐行
回首雙峰獨注清
更出前村舒病眼
時從牧豎得源名

重宿墨池傅氏

洗墨池邊正已堂
問舟西去又投裝
兒孫總解隆先執

更把前題續兩行

宿桂林

冒雨衝泥宿桂林
卑尊奔走事師心
一壺春酒談經罷
獨詠青燈坐夜深

次前韻寄示兒

到處虛名動士林
平生孤負秉彝心
過情却更憂吾子
新造從茲冀日深

贈進賢呂茂宰

二首

薄劣何勞誼薄雲野橋迎候度朝暾綿綿却憶宵來雨
誰道荒村擁令君

西去尋師學士家遠勞旌旆駐晴沙分岐細話男兒事
珍重清芬百世誇

題正心齋

涵養工夫敬是宜鑑空之體本如斯須知道理平鋪在
順應何容一點私

宿三江口

雨脚朝來又似麻，問舟並午踏晴沙。
平林繫纜推蓬處，星月交輝雜綵霞。

舟中獨坐次邵詩韻

一棹初逢積雨晴，客邊贏得寸心清。
地偏時喜北風軟，天迫獨看西日明。
懷古正貪詩逸響，可人更聽艣柔聲。
尋常自有無窮妙，爭奈浮生識未精。

舟中即事

蓬戶青燈照夜長，觀星玩月水雲鄉。
候當小雪寒猶淺，

十月初旬始降霜

風勁天高夜已霜
孤蓬閒倚面朝陽
移灣細憶曾遊處
靜聽吾伊書滿航

萬石渡舟中

抄書曾作豫章行
記得扁舟夜此停
異日重來頭盡雪
不堪惆悵憶平生

舟近豫章

雙舫和鳴莫景橫
相將喜見豫章城
病軀粗健何妨老

隨處高歌頌太平

寄家書

鄉人逢處話鄉心
明發西歸送好音
我在客邊安所遇
家庭只管惜分陰

船頭曉立

檣頭曉對豫章城
南浦西山是舊盟
俯仰古今雲聚散
新題何處獨凝情

奉東大司成先生令嗣

未遂生芻一束枕白楊幾感老懷深金昆玉季停雲處
攀折江東渭北情

東伍伯遜

擬向高軒一日留碧梧翠竹共綢繆覺來懶慢休相訝
老病人扶不自由

寫家書後作寄璿子 二首

今日慈顏值令辰滿門和氣想氤氲江山到處逢迎好
不必多情憶遠人

晏子傳書久達家諸孫親果任喧譁慙懃寄語青燈伴
逐日新功好倍加

又東伯遜

聞道高軒遲我過別離偏感老懷多片帆豈不相思切
其奈餘魂逆旅何

不寐

輾轉寒更夢不成細思時止與時行蹉跎徒有男兒志
枉向塵寰老此生

發豫章

掛席西歸孺子亭小春陽煦快輿情滿懷今古憑誰問
獨對寒山一帶青

昌邑山舟中

紅日銜山莫景明揚舲共喜夜風生中天月好長湖穩
五六雲帆作伴行

船頭對月偶成

篤斯懿德任吾真寧計朝晡苦與辛黃卷兩行歌一曲

陶然日作葛天民

夜讀

聽罷吾伊宵向殘
月明清興正相關
近貪黃卷多新益
獨對韓檠又一攤

不寐

清夜迢迢境閼然
百年心事在韋編
可堪夙志渾孤負
空得浮生雪滿顛

宿珠璣湖

閒從火伴問名湖愧乏珠璣媚此都一水浮空帆暝漠
孤烟帶野樹模糊

琴罷歌邵子詩

羈思鄉心近若何吾伊聲罷聽雲和美茲明月清風夜
細唱陽春白雪歌

夜枕作

辭家已是一旬餘試把新詩訊起居待足求安元有誠
日憑青簡味真腴

舟近潯陽郭追次辛丑歲游此詩韻

霜日融融畫夢餘身閒隨處是安居萬緣有分無勞計
頻向麟經玩特書

讀春秋

塵網那勝久陸沉青燈遙夜照孤吟化工妙契何由得
慷慨平生盡筆心

舟中閒眺

巖岼翠壁倚雲端紅樹人家帶碧湍偶爾會心為客處

只疑身在夢中看

次磐塘

整履聊為澤畔吟
前村獨往事幽尋
衡茅細接窮閭話
又感平生生物心

旅夜次工部落日平臺韻

旅棹無眠夜寒衾
獨咏詩江湖今日興
宇宙昔人詩蠅
蠅身如夢蜉蝣鬢
久絲冬來多雨雪
驥子念瓜期

黃磔舟中

好山奇絕自天開道上誰人入壯懷我惜桑榆難再賦
只應圖畫共徘徊

漁陽口追次辛丑歲詩韻

琴書又泛楚江舟年少題詩今白頭綠水青山新唱和
雪泥鴻爪舊朋游

宿散花軒鄉人索詩

野水荒洲宿散花鄉心羈思共天涯明朝再得東風便
去住留詩屬及瓜

夜說中庸

舊學荒涼偶一燭悠悠空志百年心慙慙誰向吾兒道
聖者猶聞惜寸陰

次未起程時枕上所作韻

少日深惟道是憂老來愈覺德難脩幾於名教徘徊處
剔盡殘燈未忍休

聽誦孟子三樂章

一聽鄒書三樂辭肅容斂衽起遐思係天人處猶能得

自致云何不念茲

寄進賢呂茂宰

臺皂勞覘久車輿出餞隆趨承慚有道觀感激顏風白
髮人何補青雲氣正雄題詩江漢上翹首豫章東

寄李晏諸生

湖海扁舟遠園林數子勞丹誠憐爾輩玉案愧吾曹昨
夜金沙目何時汝水舫綵雲連集慶細酌盍簪醪

金沙雜詩

十四首

淹泊依沙岸，棲遲枕碧湍。
遙空風勢遠，竟夜雨聲寒。
幸免蓬窻慮，欣投棟宇寬。
明朝重汎掃，筆硯共平安。

獨撥寒更火，頻挑旅次燈。
懷人方有賦，觀我澹忘形。
變態能相好，鄉心不用縈。
情知旋旆日，定在一陽生。

湖上風威盛，雲邊夜氣清。
晚來收細雨，更盡見孤星。
久客休相念，明朝定放晴。
興闌眠未得，次第覓詩成。

深夜仍飛雨，詰朝未放晴。
疾風吹地轉，高浪蹴雲平。
翰墨充人事，琴書理性情。
為知萍梗跡，日詠此郊坰。

病後新功減閒來舊夢清
閉門終日坐撫景百年情
道大詩書重身恬去就輕
寸心何所繫潦止霽斯行

雨雪時驚戶風濤益撼空
殘盃初泛綠衰火却添紅
玉軫調應罷塵編興未窮
化工何處覓江漢正朝宗

平野風收怒高天日露華
懷人阻石首作客且金沙
店黍聊供飯園蔬可當茶
擬乘明發興訪舊遍隣家

偶踏新晴好寧教逸興慳
悠悠江夏水隱隱漢陽山
野趣方延佇柴扃未擬還
薇垣來舊侶携手重鄉關

孤潔瞻新月高明仰列星陰霾知幾日此去想多情寡
欲存神妙忘機養性靈殘編寒漏永至教在麟經

月淡天如水霞明露已霜畦蔬舒晚翠籬菊傲孤芳琴
劍仍文事江山且武昌閒憲宜養病未用說吾鄉

誰道心如面今人即古人公卿能下士觀感盡興仁寓
跡金沙上新亭野水濱題詩漸鹵莽孤負秉彝真

共詫金沙勝衣冠日日來高情知好德薄分愧非才綠
水春光動青山霽景開橋頭賓不顧端似舞雩回

綵筆晴揮罷澄江晚眺時生涯從作客物態盡歸詩鄉
侶新情密柴關獨返遲經過多愛惜次第見民彝
鐘鼓候和鳴衣冠遲夙興鈞天萬壽日大地一陽生禮
樂霑清化車書荷聖情金沙留勝跡曾此賀昇平

畫夢覺作

時光已是陽生後歸計應當畫夢餘天外琴書雖樂土
山中松竹乃吾廬

周長史崇德堂

棘垣拔秀亦云終花萼聯輝誼正隆不是德馨寧致此
百千似續固宜崇

邱布政公餘十詠

冉冉晴雲漾楚天滔滔新漲下岷川欲知退食委蛇妙
聽唱陽春白雪篇

劉僉憲挹清軒

載籍餘芳漱有年臺臨麗澤更泠然天光雲影徘徊處
擬共何人賦此軒

廖教授求箴語

興戎出好片辭間利害分明欲順難從此書紳宜痛省
擴充四勿日希顏

歸興

覓得江頭汝水舩朝來歸興已翩翩鄉山故舊逢迎處
細說名邦館穀賢

別武昌

羈懷竊幸一身強又喜琴書別武昌借問同舟人客姓

新晴作伴好還鄉

曉發蘭溪

共訝宵來雨打篷
深憂解艫困途窮
詰朝忽喜東方好
大地瞳瞳青滿空

卦口 二首

流光又值大寒時
清夜閒吟卦口詩
薄暮江頭疎雨歇
雲開莫怪月來遲

青山日日數歸期
江上扁舟去尚遲
夜半疾風雷雨作

孤衾卦口夢醒時

宿南湖觴

共喜西風好何嫌夜柁勞更闌雨脚斷雲薄月華高慰
勞頻分果丁寧穩著篙隣舟燈火近棹纜向江皋

康山

北風條暢一帆輕西日紅明又報晴翹望鄉園程尚遠
康山新興共誰乘

蔗林

已喜歸帆逗蔗林
新晴尤愜客邊心
雲箋揮罷如椽筆
又向平沙事短吟

發桂林

浮空瑞色曉皚皚
半掛雲帆帶雪開
夜夢家庭勤汎掃
亦知早晚客歸來

鑿石潭懷廖廣文

青蘊已辱溫存厚
花被何當過愛多
微吟鑿石潭邊枕
細憶金沙洲上歌

宿黃城艾氏

借得銀鞍冒雨行
投裝仍訪舊門生
相逢相識綿綿話
總是鄉關故國情

黃家原道中

出得黃城望故山
皇華近在翠微間
回頭舊友遙追逐
細酌芸憲慰客顏

歸來

歸來松菊總平安
牆角梅花雪後看
新錦堂中武昌友
人惠錦

春晝永清談日接故人歡

元旦

壬午

履端莫怪起來遲老病身衰只自知
俯仰鄉關多暇日
萬方鐘鼓樂清時

人日承李賈二縣侯下顧

湖海歸來百慮輕梅花仍結歲寒盟
聯翩更辱賢侯趾
錦繡重增白屋榮

適閩藁

辭家口占授小兒及諸生

適楚歸來又適閩
桃溪柳澗踏清晨
服膺素有前賢命
流水行雲任我真

孫坊道中

桃李漫村麥隴肥
吟邊春思轉霏微
未了平生山水債
寸心遙向七閩飛

南原道中

出得平田問地名
望中時見舊山青

楊溪隔山水

林頭忽喜

詩情好深樹紅芳在杳冥

宿楊溪

衣冠先後辱遙迎一笑春風故里情
生意望迷平野迥老年人在夢中行

晝夢覺作

冥冥細雨滯行裝且復高眠向北窻
識得靜中滋味別始知禪客最爲忙

題彭原李氏門扉

諸子弟不在家

宿雨初收踏好晴匆匆行李促嚴程東風吹我彭原袂
何限先師執友情

小憇游頓寺

偶從花下一閒吟窻戶玲瓏竹樹深習習條風知客意
特來清我出塵心

宿太原寺

午詠招提游頓花太原更宿老禪家病軀偏愛幽棲好
高枕虛堂皓月華

宿太平寺

春風一宿太平禪
桃李芳菲霽月圓
明發青山懷雪爪
筍與人在白雲邊

宿白雲庵感懷

曾服前賢孤立辭
空山獨夜感於斯
何由得拜龍門道
一寫平生慨慕私

杉關道中

行裝已出杉關道
閩水閩山愜素心
身幸平康僮御樂

春風桃李可無吟

邵武道中

到處濺濺小澗通
回頭頻憶白雲蹤
每逢佳境凝眸久
細數春山遠近峯

邵武即事

東家昨日問為誰
西舍今朝走馬追
孤負滿城冠蓋念
只緣衰邁倦參隨

官原道中

村村桃李謝芳菲處處山梨雪滿枝和氣薰人春欲莫
東風淡蕩任吹衣

茅包錦

偶然見說茅包錦此語端為知者辭慎勿妄將茅作錦
免令堪鄙又堪嗤

歇雨鶴山廟

北落村原冒雨過籃輿暫駐鶴山坡呼童啓鑰供鉛槧
旋寫新詩且共歌

歇雨太白橋

一上藍輿雨又來前程有定莫關懷
棲身喜遇長橋好坐待高山雲霧開

宿太白店中

泥途不必歎淒其順應當隨逆旅時
但令努力加餐飯毋惜琴書歸去遲

獨樹桃花

家家桃李謝芳菲此樹天紅何獨遲
莫是東風欺不得

濃粧留與客題詩

近建陽

考亭已近素懷開不負籃輿千里來明日青山歸興好
草堂應念遠人回

別考亭書院

考亭拜罷賦歸與昨夜青山夢舊閭沿道若逢相識問
慇懃細說建陽居

發建陽

行裝曉發建溪陽共喜平康返舊鄉想見華門迎迓處
桐花時候詠新秧

贈文公先生令孫伯升

百里郎君躍馬來恭承家命顧非才南雲拜罷春如海
剩賦新詩寫永懷

去年楚地賦家雞今歲閩邦話本支一一聞孫煩寄語
超羣拔俗是男兒

界牌舖道中

前途急急意遲寧忍名邦別所思記得嶺頭惆悵處
濛濛細雨濕征衣

武夷道中

細數前程歸興濃停輿更戀武夷峰棹歌九曲今猶昔
誰和千秋萬古風

贈崇安于茂宰

見說金臺一盍簪偶經花縣更論心要知禮下誠吾事
須識勞謙是乃箴

發崇安

清明雨歇曙光妍
祖道衣冠謝別筵
晴塢每貪花簇簇
春流慣聽澗濺濺

宿分水嶺

躡盡崎嶇山復山
白雲堆裏宿閩關
蕭蕭風雨清明候
千里琴書此地還

鉛山道中

亂石叢中一轎過
水源窮處感人多
高蹤逸矣乾坤古

白雪陽春奈若何

平生迂拙寸心孤
何幸身親往哲途
借問山川羣草木
當年曾識晦翁無

雲開雨歇放新晴
處處春風佩玉鳴
忽喜舊游峰在目
細將心事惜平生

赤土亭前日欲沉
客程趁宿競分陰
筍輿傲兀歡聲動
指日行裝到故岑

寄贈金太守

拜罷滄洲返薜蘿道經貴郡好懷多本圖遍覽鵝湖勝
無奈晴春歸興何

安仁道中

日麗風暄三月三安仁登陸望龍潭路經舊識猶能憶
不必逢人問指南

宿三山陳氏茅店

遠客寧家已刻期山妻稚子正相思疎星預報朝來喜
茅店新詩夢覺時

宿大嶺鋪

蕩石亭前風雨來，敲門大嶺夜深開。
家人想見懸思久，

沿道歸期日日催。

適閩稿畢

載進賢呂茂宰所贈采石春，慰勞後坊塘土功之

衆

花縣郎君采石春，何由得及寂寥村。
土功沾惠交歡處，共說流傳子更孫。

贈別于準通判

惜別問官居宜思位莫虛有為兼有守庶以答除書

迎恩橋口占授于準

玉壺春酒別情深滿向迎恩橋上斟惆悵為君歌一曲
拳拳報國愛民心

載宋憲侯所贈佳醞勞黃栢土功之衆

霜臺春色到荒山共沐清風醉碧湍碣石水留三伏跡
新詩細寫萬人歡

倦寐偶成

衰齡精力有限塵慮幸莫相干日味二三青簡黑甜半
枕平安

偶成

殘書破硯貧中樂虛閣明窓靜裡心送客偶看溪上綠
還家時息竹邊陰

隆孫誕日四周歲矣漸解人事可愛詩以志焉

祖德多年種孫謀奕葉貽夢蘭游宦日
戊寅歲安庭九月二十日夢蘭

花高哉
一樹奉勅到家時
到家坐美質衆所念佳晨四見之
十日

學詩兼學禮早作好男兒

寄饒景德

分忝絳蘿辱愛多可勝近况抱微疴樂天知命嘗聞教
晚節尤宜養太和

賀聖節

茅屋雞聲夢覺時倉皇扶病着朝衣恍思承認明光日
咫尺天威拜玉墀

曉枕偶成絕句奉贈呂中良父子指示羅原岡先

隴

四顧荒山總闕然忽開雲霧覩青天伊誰施去聲此回生

力細寫荆溪父子賢

諸生助移大門詩以勞焉

貽厥雲仍百世謀青山綠水興悠悠寒泉細汲芸窗硯
各賦新章答勝游

除夜

正愧道迷前聖統何期朋誤遠方來

朱子門對云道迷前聖統朋誤遠方

來小陂風雪當深夜細勸虛堂守歲盃

元日癸未

虛度流年七十三強顏北望又朝參
空憐遽瑗知非晚欲共何人話指南

教諸孫誦詩

日親黃卷坐忘疲夜撥寒爐卧更遲
淡淡生涯隨分足諸孫同唱老夫詩

小陂東橋成詩以勞衆力云

伐木年年結構勞常懷良法在甄陶
忽看勝跡留千載
十日辛勤賴爾曹

東游藁

余李二生來訪文昌庵

七月

江湖總別四三秋
偶向文昌話舊游
好記行雲流水趣
各期努力紹前脩

午爨平塘

停午平塘爨森森
竹樹居欲馴
僮御禮旋戒
飭襟裾

長林道中

歇轎來磐石支頤面好峰道傍秋水淨嶺背夕陽紅

宿橫路

暝色迷周道高天久露星壩荒相和處燈火後先迎

午爨玉灣

曾承縞紵賁荒山欲報瓊瑤久未閒賤跡何堪符吉夢

蔥蔥春色藹門闌

宿崖山

貴溪地

問姓為劉族題名是塔橋投裝人總喜星象爛青霄

新安道中見紅樹

晴轎疾於飛平橋寓目時忽驚新節序紅樹又催詩

宿漁樵

弋陽地

草屨投安夜繩牀卧穩時一枝聊暫寄明日不須期

石弄晨炊

客路晨炊好幽哉石弄居一軒瀟洒處淨几展吾書

午爨響石

鉛山地

簾與午暫停幽事愜詩情彩筆閒揮罷悠然對翠屏
宿安定里

昨日無所期今宵獲安定但教靈府虛隨處江山勝
齊原道中

偶逢澗石坐繁陰愜我平生習靜心風露不知勞遠役
蜻蜓無數伴清吟

題齊原嶺涼亭

齊原嶺上架虹梁來往令人感意長嗣續更期諸好事

好將名姓共流芳

宿鵝湖寺

疲軀暫息贊公房
山雨蕭蕭午夢涼
榮辱不驚清夜枕
四更雲月吐寒光

宿福生觀

廣信城

山郭逢時雨花軒
納晚涼芙蓉隔秋水
客子急行裝

板橋道中

玉山

遮眼避長風
虛心省厥躬
百年須為道
萬事貴乎中

草萍道中

晨促行裝度草萍，夜來微雨喜新晴。
望中總是雲山色，吟處時聞野鳥聲。

白石道中

白石當年曾有賦，清秋此日更停輿。
回頭火伴閒相語，琴劍何時返故居。

蔣蓮鋪

當年曾此課兒詩，擾擾臺輿渴飲時。
物候幾經新節序，

布衣猶是舊心期

重宿徐氏村居

曾此賦村居重來十載餘
玉樓人久化蘭砌事堪書

宿鄭氏村居

依稀餘墨象湖傍

堂扁拙筆存焉

鶴去山空事渺茫
嗣續喜看

仁愛重燈前聯跪告新章

宿毛村

衢州上流三十里

扁舟旅泊暫天涯
一夜歸心又夢家
行李但教西路穩

東籬計日詠黃花

舟子索詩

蘭溪地

款款鳴橈話會溪
好留餘跡向新詩
正貪綠水青山勝
恰值風恬浪靜時

贈嚴州張太守

二首

天順壬午十月十五日夜夢嚴子釣臺春色明
媚一人軸一詩既覺只記結句賦詩頻三字明
年七月晝寢書閣有懷金臺舊游因記主客張

公誤加過獎之言惕然慚忸悵快久之時張久
知嚴陵雖佳問常聞而良覲靡由乃發興江東
之行拜我文公婺源祖居遂一相求八月丙申
果盍簪焉情見乎辭仍用夢中賦詩頻三字云
江山隨處賦詩頻况此論心共故人遙傳尚友軒中譽
為德兼誇更為民

昔年曾託霜松趣

戊寅為前劉太守寓霜松

此日重為雪柏吟桃李

任教春似錦高標依舊歲寒心

宿資福寺步月謁思范亭

亭子何年沒荆榛老衲開羣公不日復諸傑四時來景

行秋乘月吟詩夜步苔會心香妙處

晉簡文帝在華林園曰會心處不必

在遠翳然林木便自有濠濮間趣不覺魚鳥親人杜詩心清聞妙香

何必泥銜杯

鍾潭鋪

建德地

不必勞歸夢琴書已離東忽驚秋槿盛人在萬花叢

鍾潭嶺

東游舊友論心好西返新詩得趣頻又喜野花緣道涌

嫩紅滿眼似迎賓

下崖鋪

細攪羣峰秀間吟一水清當街跪亭長新句幸留名

蛇嶺

頻坐羊腸坂仍思蛇嶺詩畏途看漸減歸計莫嫌遲

分路鋪

午爨來分路青山四面圍憑詩記幽絕千里此中歸

宿紫蓋峯法照寺

淳安地

出嶺望奇蹤遙知剎在峯月階秋皎潔花砌夜玲瓏

合橋鋪二首

俄辭紫蓋峰行邁從遙邇尚懷棲鳳堂清風洒蘭砌為寫

紫蓋峯栖鳳堂清風亭額

日日賦詩頻吟邊興有神秋花隨地好疑是夢中春

懷張太守二首

寄語文章守遊人去已遙新詩吟不徹春興一何饒

一見尋歌歸去來寧能兩地不徘徊從今遇有東飛鴈

剡寫新詩慰爾懷

十二夜淳安邑庠彭羅二廣文對月

良時已喜中秋近勝會難逢此夜清極口細談先聖道
開顏共寫故鄉情

贈淳安鄧茂宰

山川迢遞行人倦館穀慙慙茂宰賢借問琴堂深淺興

雪中修竹正蒼然

號雪竹

宿向果寺

一宿招提境歸心樂意濃東流碧沼靜西照夕陽紅
此日留新墨他年憶舊蹤塵龕誰是伴明月與清風

喜晴

昨日雲生雨今朝月照人山川雖險阻徒御少酸辛

黃栢道中

細雨微沾處危橋穩步時平安人自慶回首詠漣漪

五城道中

曲澗泉孤溜高山雲四垂逢人承問訊長者是為誰

磨石道中

晴色催詩興歸期慰客懷
朱鄉看漸近襟抱共誰開

宿璜川

細雨朔風寒揮毫墨未乾
中宵頻出戶微月露雲端

塔坑

莫道歸心切其如度嶺難
萊衣勞夢想行李此看山

樟木鋪

偶從樟木詢歸路亭長諄諄為指南
他日有時懷勝覽

筍輿曾此駐晴嵐

喜晴

漠漠秋雲合濛濛曉雨來正愁山脚滑俄喜日華開

宿曉湖

旋浸霜毫寫曉湖金尊美酒夜相娛綿綿細接隣封話
明日青山指故都

古坑

擾擾征途客無非利是心嗟予何事者端為好賢深

宿白石

出原喜近故園疆度石來投逆旅裝夫婦俱能崇禮義
弟兄總解重文章

宿捷頭村茅屋

烟汀一曲淡涵秋獨詠餘暉坐粟州東客倦時西路近
度坳歷坂不須愁

寄安仁李茂宰

游子歸時詩滿囊晨風吹動桂花香可知懷古登高處

霽白山青東路長

緣道多
助夫力

宿李章氏觀拙墨卷子

老去仍遊越歸來偶合歡
卷從燈下展墨在夢中看

東游

稿畢

游園

為客他鄉遠游園新興長
畦蔬盈嫩翠林橘吐微黃

題林茂宰橋東書屋

幽棲籬落野橋東多種芸
香與桂叢童冠沂雩春杳靄

吾伊燈火夜玲瓏一從黃榜蜚聲遠幾度青山入夢濃
幼學壯行男子事留傳冰蘖滿花封

寒夜偶成示諸生

塵窗寒夜正遲遲寂對殘燈獨詠詩小子學詩方避席
諸生讀易俟摠衣飫聞玄聖從吾好須信文王是我師
流俗汨人非一日昂藏莫負好男兒


癸未除夜

歲月如流又一年長更念舊轉悽然老懷欲共何人寫

吟對燈花未忍眠

吟對燈花未忍眠
丁寧明日早朝天
老懷有賦何多幸

四海車書正晏然



康齋集卷六